

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Joh. Jonstoni Thaumatographia Naturalis

Jonston, Jan

Amstelodami, 1661

Caput XIV

urn:nbn:de:bsz:31-97032

tuta pena in eum qui cessaverit. *Plin.* Apud Nigretas tantus singulis triennis numerus, ut cœlum ad duodecim milliaria obumbrent. In Hispaniola carent alis. *Aloysius Cadamustus.* Narrat *Vincentius*, unam à muliere nutritam, ubi crevisset, ipsam per se impragnatam inventam. Anno 852. cum Galliam vastarent viginti millibus passuum uno die, compositis quasi ordinibus ferebantur, & terræ incumbentes castra faciebant. Duces cum paucis itinere unius diei præcedebant agmen. quasi loca castris capturi, eadem hora universæ copiæ postredie aderant. Ante ortum Solis, loco non movebantur, orto per suas proficiscebantur cohortes. Anno sexto Argyropoli Imperatoris tantum damnum locustæ Orientalibus intulere provinciis, ut coacti fuerint incolæ liberos suos divendere, & in Thraciam migrare: Abjecerat eas post in Hellespontum ventus, sed altero revixere anno, depopulatisque per triennium provinciis apud Pergamum periere. *Cedrenus.*

CAPUT XIV.
DE LEPORE MARINO,
Locusta test. Lolligine.

Lepus marinus toto corpore est candidus, cystellam vel pivicam concretam dixeris. Raro admodum capitur, nisi summo æstu. Tum enim à summis fervoribus omnia conturbantur, ea etiam quæ in maris imo latent. Quamvis autem aquatilium animalium pauca admodum venenosa reperiantur, quod in humore degant, qui veneno contrarius dicitur ut plurimum, & quædam in parte tantum venenum contineant, ut araneus piscis in spinis, pastinaca marina in radio, lepus tamen in toto corpore illud habet. Titus Imperator à fratre Domitiano eo interfectus dicitur. Cum enim ab oraculo mortis inquireretur genus, responsum fuit Vlyssis modo periturum ἐν τῷ θαλάσσης. Vlysses vero pastinacæ ictu periit. Quibus
Q autem

autem ejus veneno moriendum est, tot diebus mori, quot vixerat lepus; Licinius Macer apud *Plinium* testis est. l. 31. c. 2. *Locusta* in Euripo mari non generantur, si Aristoteli credimus *hist.* 9. c. 37. In Indico vero quaterna implent cubita, ut auctor est *Plinius* l. 9. c. 3. De *loliginibus* narrat *Plinius* ex *Trebio nigro*, tanta interdum multitudinem volare, ut navigia demergant. *Albertus* autem l. 24. de *Animal.* *Loliginem* quinque cubitos esse longam, in *Sexo* flumine Mauritaniæ scribit, & juxta Oceanum sagittæ volitare modo addit. Incredible id omnino non esse putat *Rondeletius*, cum plurimæ mutuo se complexæ natent; ideoque multæ simul capiuntur.

CAPUT XV.

DE MARGARITIS.

Margaritæ concharum quibusdam velut nuclei, aliis partus, grando nonnullis. Multæ & magni in iis reperiuntur ponderis. Faba sunt grandiores in sinu quodam novi orbis. Ovis turturis ad Insulam Solon (Ostteum se ibi cepisse *Martyr.* scribit, cujus caro septem supra quadraginta librarum fuerit) magnitudine nucis unum insulæ Eubagnæ Rex habuit, pendentem triginta siliquas & unam, mille ducentis Castilianis venditam. *Gonzalvus Oviedus* magnitudine pilæ arcus; rotundissimam, pondere viginti sex siliquarum Panamæ venditum asserit. Prope Insulam Borneo ænerinum ovum æquare proditum est, tanta rotunditate, ut mensæ impositæ, uno haud maneat loco. *Me presente* inquit *Petrus Martyr.* *Decad.* 1. l. 8. cum apud Ill. *Medina Sidonia* ducem, invitatus, *Hispani* pranderem, unam (incredibile pondus) supra centum uncias venum ad eum tulerunt. Ex fluvio aluente pagum Hussinez in Bohemia concharum æstare ejiciuntur acervi, è quibus perlæ, maturæ quædam, immaturæ nonnullæ. Has anatis devorandas offerunt, alvo dein redditas splendidiore colligunt, ut ait

Gef-